


Nunat Aqqinik Aalajangiisartut
Ataasinnngorneq juulip 16-anni 2012-mi
Oqaasileriffimmi ataatsimiinnerat

Peqataasut.: Carl Christian Olsen, Tukummeq Qaavigaq aamma Abia Abelsen.

Peqataanngitsoq: Stephen Heilmann, piffissaqannginnini pissutigalugu, Lotte Holm aamma peqataanngilaq.

Allatsi: Lisathe Møller Kruse

1. Tikilluaqqusineq
2. Imaqarniliap akuerisassatut saqqummiunnera (*juunip 25-anni 2012-mi ataatsimiinnermit imaqarniliaq*)
3. Aatsitassanut Ikummatissanullu Pisortaqarfimmiit saaffiginnissut
 - a. Høringsbrev til Gr. Stednavnenævn.pdf (*Nanortallip avannaatungaani kangerluup sermiliup ilaa*)
4. Tunumi nunat aqqi kingullermik ataatsimiinnermit akuerineqanngikkallartut
5. Tunumi nunat aqqi nalunaarsukkat suliaralugit nanginnissaat,
6. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Juunip 25-anni 2012-mi ataatsimiinnermit imaqarniliaq akuerineqarpoq.

3. pillugu –

Aatsitassanut Ikummatissanullu Pisortaqarfimmiit saaffiginnissut Nunat Aqqinik Aalajangiisartunit eqqartorneqareerluni ima akuerisaasumik taaguuteqartussatut aalajangerneqarpoq:

- a. Høringsbrev til Gr. Stednavnenævn.pdf **Amitsoq**
(Nord for Nanortalik)


4. pillugu –

Tunumi nunat aqqi kingullermik ataatsimiinnermit akuerineqanngikkallartut Nunat Aqqinik Aalajangiisartunit suliarineqanngikkallarput. Akuerineqanngikkallarnerannut pissutaavoq Nunat Aqqinik Aalajangiisartunut ilaasortat marluinnangornerminni aalajangiisinnaatitaannginnertik.

5. pillugu

Tunumi nunat aqqi nalunaarsukkat suli Nunat Aqqinik Aalajangiisartunit eqqartorneqanngitsut nangeqqinnginnerini Nunat Aqqinik Aalajangiisartut tunngaviusunik aalajangiipput.

- Nalunaarsugaataareersuni (*amerlanerit 1986-imi nalunaarsorneqaaqqaarsimapput*) nunat aqqi –“*rajik*”-taqaratik nalunaarsoqqaarneqarsimasut, siornalu tunumi nunat aqqinik nalunaarsuinnermi –“*rajik*”-mik uiguuserneqarsimasut –“*rajik*”-talernagit akuerisassanngorlugit aaqqissorneqassapput.
- Nalunaarsugaataareersuni (*amerlanerit 1986-imi nalunaarsorneqaaqqaarsimapput*) nunat aqqi “*Seeraq*”-mik nalunaarsoqqaarneqarsimasut, siornalu tunumi nunat aqqinik nalunaarsuinnermi nunat aqqinik ilisimasalinnit “*Siaraq*”-mik ateqarnerarlugit



naqqiissutigineqarsimasut naqqiissutaat maliinnarlugit akuerisassanngortinneqassapput, tassa “*Siaraq*”-nngortillugit.

- Nalunaarsugaataareersuni (*amerlanerit 1986-imi nalunaarsorneqaaqqaarsimapput*) nunat aqqi “*Nuerniakkat*”-nik nalunaarsoqqaarneqarsimasut, siornalu tunumi nunat aqqinik nalunaarsuinermi nunat aqqinik ilisimasalinnit “*Noorniakkat*”-nik ateqarnerarlugit naqqiissutigineqarsimasut naqqiissutaat maliinnarlugit akuerisassanngortinneqassapput, tassa “*Noorniakkat*”-nngortillugit.
- Nunat aqqi –“*ttit*”-imik naanilersorneqarsimasut -”*ttut*”-inngortinneqassapput. Tassungalu Nunat Aqqinik Aalajangiisartut tunngavilersuutigivaat kujataarmiut Upernavimmiullu nunat atiutaat akuerigaangamikkit i-nngortitsisarneri atornagit akuerisaramikkit.

6. pillugu

Carl Chr. Olsen
Siulittaasoq

Lisathe M. Kruse
Allatsi